



Ministry of Civil Affairs

Broj: 11-07-10-1997-VR/24  
Sarajevo, 5. 4. 2024. godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Hamdije Kreševljakovića 3  
71 000 Sarajevo

Bosna i Hercegovine  
Federacija Bosne i Hercegovine  
PARLAMENT FEDERACIJE  
SARAJEVO

Org. jed.	Б р о ј	Прилога	Вриједност
05/2	-02-	124	124

**PREDMET:** *Odgovor na inicijativu, dostavlja se;*

Poštovani,

Dana 4. 4. 2024. godine, zaprimili smo akt Doma naroda Parlamenta Federacije Bosne i Hercegovine u čijem prilogu nam dostavljaju Inicijativu delegatkinje Ljubinke Atanasijević za dopunu Pravilnika o kategorizaciji sportista na nivou Bosne i Hercegovine.

U navedenoj inicijativi se navodi da je na snazi Pravilnik o kategorizaciji sportista po kome sportisti Karate saveza Bosne i Hercegovine, u trenutku kada ostvaruju sjajne rezultate na međunarodnoj sceni, ne mogu da se prijavljuju na Javni poziv za kategorizaciju sportista, iz razloga što karate nije olimpijski sport.

Pravilnikom o kategorizaciji sportista na nivou Bosne i Hercegovine („Službeni glasnik BiH“, br. 52/16 i 87/16), definisano je da je osnova za kategorizaciju sportista ostvareni značajan sportski rezultat koji je sportista ostvario na zvaničnim međunarodnim takmičenjima u sportskim disciplinama koje su na zvaničnom programu Olimpijskih igara u organizaciji Međunarodnog olimpijskog komiteta (IOC), Paraolimpijskih igara u organizaciji Internacionalnog paraolimpijskog komiteta (IPC) i Specijalne olimpijade u organizaciji Međunarodne specijalne olimpijade, odnosno plasman za učešće na navedenim takmičenjima.

Prema propozicijama Međunarodnog olimpijskog komiteta, svaki domaćin narednih Olimpijskih igara može predložiti dodatne sportove, što je bio slučaj na Olimpijskim igrama u Tokiju 2020. godine, kada je karate sport uvršten u program Olimpijskih igara.

Međunarodni olimpijski komitet je dostavio obavještenje u aprilu 2021. godine, svim nacionalnim olimpijskim komitetima, da karate sport neće biti na programu narednih Olimpijskih igara u Parizu 2024. godine, a što ne znači da se isti neće naći na programu nekih od narednih olimpijskih igara.

Napominjemo da prethodnih godina, dok je karate bio olimpijski sport, prilikom raspisivanja javnog poziva za kategorizaciju sportista na nivou Bosne i Hercegovine, na isti nije bilo prijava sportista iz oblasti karate sporta.

Vijeće ministara Bosne i Hercegovine je na 31. sjednici održanoj 7. 12. 2023. godine, donijelo Odluku o imenovanju Vijeća za sport Bosne i Hercegovine („Službeni glasnik BiH“, broj 4/24), koje je nakon konstituisanja započelo sa radom.

Imajući u vidu da je Vijeće za sport Bosne i Hercegovine, između ostalog, nadležno i za predlaganje smjernica za izradu propisa o kategorizaciji sportista, napominjemo da je u pripremi radni materijal koji će biti razmatran na sjednici Vijeća za sport Bosne i Hercegovine, a sve u cilju izrade i donošenja novog Pravilnika o kategorizaciji sportista na nivou Bosne i Hercegovine.

S poštovanjem,

**MINISTRICA**

**dr. sc. Dubrayka Bošnjak**



Dostavljeno:

- Naslovu;
- a/a.